



010000, Нұр-Сұлтан к., Бейбітшілік к-сі, 11 үй  
тел.: 55-66-31, 55-66-35, факс: 55-72-94

№  
19.04.2022 № 2 ге

010000, г. Нур-Султан, ул. Бейбитшилик, 11  
тел.: 55-66-31, 55-66-35 факс: 55-72-94

**Тұрақты комиссияның  
2022 жылғы 19 сәуірдегі  
қаулысы**

**Елордада балалар мен  
жасөспірімдер мектептерін  
дамыту перспективалары  
туралы**

Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы (бұдан әрі – тұрақты комиссия) жергілікті атқарушы органның елордада балалар мен жасөспірімдер мектептерін дамыту перспективалары туралы ақпаратын тыңдаپ және талқылай отырып, мыналарды атап өтеді.

Нұр-Сұлтан қаласында 11 спорт мектебі жұмыс істейді: (6 – ОРМБЖМ, 3 – МБЖСМ, 1 – БЖСМ және 1 – мүгедек спортшыларға арналған БЖСМ). Мектептерде спорттың 60 түрі дамыған (37 – олимпиадалық, 11 - олимпиадалық емес, 12 - мүгедектер спорты). 58 бөлімде 8655 оқушы окужаттығумен айналысады.

Жаттықтырушылардың жалпы саны 408 адамды құрайды (336 олимпиадалық және 72 олимпиадалық емес спорт түрлері бойынша), оның ішінде дene шынықтыру білімімен штатта бары - 286 адам.

2022 жылдың I тоқсанында спорттық жарыстарда БЖСМ тәрбиеленушілері 1751 медаль жеңіп алды, оның ішінде халықаралық жарыстарда: алтын – 37 медаль, күміс – 48 медаль, қола – 65 медаль; респубикалық жарыстарда: алтын – 268 медаль, күміс – 210 медаль, қола – 209 медаль; қалалық жарыстарда: алтын – 329 медаль, күміс - 269 медаль, қола – 316 медаль.

«Балалар-жасөспірімдер спорт мектептері желісінің ең төмен мемлекеттік нормативтерін бекіту туралы» Қазақстан Республикасы Мәдениет және спорт министрінің 2020 жылғы 11 мамырдағы № 119 бұйрығына сәйкес елордадағы БЖСМ желісінің минималды мемлекеттік нормативі 55-165 мың адамға 1 БЖСМ есебінен есептеледі.

Статистикалық мәліметтерге сүйенсек, 2022 жылдың 1 қаңтарында елорда халқының саны 1 239 900 мың адамды құрады. Көрсетілген нормативтерге сәйкес БЖСМ саны 8-23 БЖСМ құрауы тиіс.

Қазақстан Республикасының Президенті Қ.К. Тоқаевтың балалар мен жасөспірімдерді дene шынықтырумен және спортпен жүйелі шұғылдануға

000118

тарту және бұқаралық спортты дамыту бөлігіндегі тапсырмасын ескере отырып, елордада БЖСМ-мен қамтамасыз етілу деңгейін ең тәменгі қамтамасыз етілу шегіне дейін арттыру қажет.

Тұрақты комиссия балаларға арналған тегін спорт секциялары, балалар мен жасөспірімдер спорт мектептеріне тұсу тәсілдері мен қабылдау күндері туралы ақпараттың жоқтығын атап өтті. Бұл Нұр-Сұлтан қаласы әкімдігінің «Қалалық мониторинг және жедел әрекет ету орталығы» ШЖҚ МҚҚ (iКОМЕК109 орталығы) келіп түскен өтініштермен расталады.

Сондай-ақ, балалар мен жасөспірімдер мектептерінің көбінің спортпен айналысуға арналған менинкі уй-жайлары, сондай-ақ қажетті спорттың жабдықтары мен мүкәммалдарының жоқ екендігі атап өтілді. Су спорты түрлері бойынша № 4 балалар мен жасөспірімдер спорт мектебінде бассейн жоқ, ол әртүрлі спорт кешендерінде жалға алынады, оған бюджет қаржатынан көп ақша жұмсалады.

Жоғарыда баяндалғаның негізінде Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы **ҚАУЛЫ ЕТГІ:**

1. Елордада балалар мен жасөспірімдер мектептерін дамыту перспективалары туралы ақпарат назарға алынсын.

2. Нұр-Сұлтан қаласының әкімдігіне:

балалар-жасөспірімдер спорт мектептерінде, дene шынықтыру даярлығы спорт клубтарында дene шынықтырумен және спортпен айналысатын балалар мен жасөспірімдерді қамтуды ұлғайту бойынша шаралар қабылдау;

жаңа спорт мектептерін ашу қажеттілігін анықтау мақсатында балалар мен жасөспірімдер спорт мектептерінің толымдығына талдау жүргізу;

білім беру-спортың бағдарламаның орындалуына жүйелі бақылау қамтамасыз етілетін балалар-жасөспірімдер спорт мектептерін меншікті спорттың базамен қамтамасыз етуге, спорттың керек-жарақтар мен жабдықтар сатып алуға арналған қаржылық шығындардың есебін жасау;

балалар мен жасөспірімдер спорты саласында кадрлық әлеуетті дамыту, сондай-ақ жаттықтырушылардың жалақысын арттыру бойынша ұсыныстар беру;

«Барыс-Арена» стадионын ұстауды қосымша қаржыландыру бойынша алдағы нақтылау барысында қалалық БЖСМ тәрбиеленушілерінің спортпен шұғылдануы үшін жағдайлар жасау бойынша Mtex management ЖШС-мен жасалған шартқа толықтырулар енгізу бойынша ұсыныстар беру;

спортың шұғылдану үшін қолайлы жағдайларды қамтамасыз етуді ескере отырып, жыл бойы футболмен шұғылдану үшін жабық манеждер мен тез түрғызылатын конструкциялар салу бойынша ұсыныстар енгізу;

қазіргі заманғы шаңғы базасын және су спорты түрлерімен айналысатын спортшылар үшін база салу жөнінде ұсыныстар енгізу;

спортпен айналысуға арналған әмбебап залдарды пайдалану есебінен «Қазақстан» спорт сарайын реконструкциялау жобасын арзандату жөнінде ұсыныстар беру;

«Қызын өмірлік жағдайда жүрген балаларды қолдау орталығы» КММ-не спорт алаңының құрылышына көмек көрсету;

БЖСМ, олардың орналасқан мекенжайлары, байланыстары және т. б. бойынша ақпаратқа түзетулер енгізу және қалалық мәслихатқа ұсыну;

елордада балалар мен жасөспірімдер спорт мектептеріне жаңа оқушыларды тарту, балалар мен жасөспірімдер спортын насиҳаттау бойынша бұқаралық жұмыс жүргізу;

әлеуметтік желілерді пайдалана отырып, бұқаралық ақпарат құралдарын тарта отырып, балалар-жасөспірімдер спорт мектептерінің қызметі бойынша ақпараттық-түсіндіру жұмыстарын жүргізуді жандандыру ұсынылсын.

3. Осы қаулының ұсынымдарының орындалуы жөнінде қалалық мәслихатқа бір ай мерзімде ақпарат беру қамтамасыз етілсін.

**Нұр-Сұлтан қаласы мәслихатының  
әлеуметтік-мәдени даму мәселелері жөніндегі  
тұрақты комиссиясының төрағасы**

А.Табулдина